

Powšitkowne WOZJEWJENJA

njedźelu, 9. junija 2019

Zakónčenje projekta „Swětło pozbudža“

K zakónčenju projekta „Swětło pozbudža“ su wšitcy swjatkowničku, 9. junija, we 18 hodź. na ekumenisku Božu službu do tachantskeje cyrkwy přeprošeni. Předowač budže Ludger Hinse. Cyrkwinskej hudźbnaj direktoraj Friedemann Böhme a Michael Vetter zahrajetaj na piščelach.

Putniske kemše w Róžeńće

Božu mšu swjatkownu pónďzelu, 10. junija, w 9 hodź. na putniskej łuce w Róžeńće změje nowoměšnik Pětr Mróz. Chróšćanska wosada ju wuhotuje. Serbski rozhlós putniske kemše zaso originalnje přenjese. Komentator budže Bačoński farar Gerat Warnar. Wšitcy su wutrobnje přeprošeni, so na putnikowanju wobdźělić.

Ministrantska kopańca

Dekanatne dušepastyrstwo přeprošuje ministrantow ze serbskich wosadow na koparski turněr. Tutón wotměje so wutoru, 22. junija, w Pěskecach. Započatk budže w 9.00 hodź. z Božej mšu we wjesnej kapałce. Mustwa měli so hač do pónďzele, 17. junija, pod worklecy-kise@gmx.de abo pod telefonowym čisłom (03 57 96) 88 707 přizjewić. Hraje so małym polu we wobsadce 7:1. Małe mustwo tworja ministranća 3. do 6. lětnika, wulke mustwo či ze 6. do 8. lětnika.

Biskop přindže do Worklec

Emeritowany biskop Joachim Reinelt budže štwórtk, 13. junija, z hosćom we Worklecach. We 18.30 hodź. změje wón w tamnišej kapałce kemše. Jim přizamkne so podijowa rozmołwa z biskopom na něhdyšim hrodze. Při tym rozloži wón swój počah k Serbam a předstaji awtobiografiju wo swoim skutkowanju jako měšnik a biskop. Worklečanske kapałkowe towarstwo jako zarjadowar přeprošuje wšěch zajimcow wutrobnje na tutón wječork.

Wobsah 2017 a 2018

Wobsah Katolskeho Posoła lětow 2017 a 2018 je dozestajany. Wšitcy, kotřiž chcedža sej lětnikaj zwjazać dać a wobsah sobu zapřijeć, móža sej dataju w formaće pdf na internetowej stronje www.posol.de wučišćeć. Štóž tule móžnosć nima, njech wobroći so na redakciju Posoła w Budyskim Serbskim domje pod telefonowym čisłom (0 35 91) 55 02 12.

Putniska jězba do Ukrainy

Putniska jězba do ukrajskeho Lwiva (pólsce Lwów, němsce Lemberg) wotměje so wot štwórtka do wutory, 8. do 13. awgusta, ze Šmitec jězbami w Radworju. Hłowne město zapadneje Ukrainy je ze swojimi stawiznami a kulturu wulce zajimawe. Wšako je w běhu swojich stawiznow přežiwiło pólske, rakuske, sowjetske a němske knjejstwo. Wobdźělmy so na swjatočnej Božej mši po grjekske-katolskim wobrjedže, wopytamy mniši klóšter w Uniwje, wobhladamy sej katolsku uniwersitu, pónďzemy do opery a zetkamy so z wěriwymi woneho města. Změjemy přewod domoródnego kulturnika a duchownu podpěru Bačońskeho fararja Gerata Warnarja.

T. Kubašec